

Penyampai : DATIN SERI JEANNE BINTI ABDULLAH
Tajuk : UCAPAN PROGRAM KECEMERLANGAN BAKTI III 2007
Lokasi : HOTEL HOLIDAY INN GLENMARIE, SHAH ALAM
Tarikh : 18-08-2007

BISMILLAH HIRAHMANIRRAHIM

ASSALAMUALAIKUM WARAHMATULLAH HIWABARAKATUH DAN SALAM SEJAHTERA

YANG BERBAHAGIA DATIN SERI ZAHRAH KECHIK

YANG DIPERTUA BALKIS

YANG BERHORMAT DATO AHMAD NAWAWI DATO ZAIN

EXCO PENDIDIKAN, SUKAN DAN PEMBANGUNAN INSAN NEGERI SELANGOR

YANG BERBAHAGIA PUAN HAJAH NOOR REZAN BAPOO HASHIM

PENGARAH BAHAGIAN SEKOLAH

KEMENTERIAN PENDIDIKAN

AHLI-AHLI BAKTI

DIF-DIF JEMPUTAN

SETERUSNYA ANAK-ANAK ANGKAT BAKTI YANG DIKASIHI SEKELIAN,

1. ALHAMDULILLAH, SAYA BERSYUKUR KEHADRAT ILAHI KERANA DENGAN LIMPAH KURNIA

DAN IZIN-NYA MAKA DAPAT KITA BERSAMA-SAMA HARI INI UNTUK MENJAYAKAN PROGRAM KECEMERLANGAN BAKTI BUAT KALI KETIGANYA PADA TAHUN INI.

2. SEBAGAIMANA MAKLUM, PROGRAM INI DIADAKAN BERTUJUAN UNTUK MEMBERI MOTIVASI KEPADA ANAK-ANAK ANGKAT BAKTI YANG TERPILIH PADA KALI INI.

3. SAYA DIFAHAMKAN, ANAK-ANAK INI TELAH DIBERI LATIHAN DAN JUGA KELAS TAMBAHAN BAGI MEMBANTU MEREKA MENCAPAI KEJAYAAN DALAM PEPERIKSAAN.

4. PROGRAM SEBEGINI ADALAH SATU USAHA YANG BAIK DALAM MEMBANTU ANAK-ANAK SEKELIAN MENCAPAI KEJAYAAN YANG DIHARAPKAN.

SAUDARA SAUDARI DAN ANAK-ANAK YANG DIKASIHI SEKELIAN,

5. TIDAK ADA HARTA YANG LEBIH BERTERHARGA DAN BERNILAI SELAIN DARIPADA ILMU PENGETAHUAN.

6. UNTUK BERJAYA DALAM APA JUGA BIDANG YANG DIINGINI, ANAK-ANAK MESTILAH MEMPUNYAI ILMU PENDIDIKAN YANG SECUKUPNYA.

7. UNTUK MELAKUKAN SEBARANG PERUBAHAN YANG DIHARAPKAN, BAIK KEPADA DIRI SENDIRI, KELUARGA DAN MASYARAKAT, ILMU PENGETAHUAN ADALAH KUNCINYA.

8. INI BERMAKNA, DENGAN ILMU, USAHA DAN DOA, INSYAALLAH, ANAK-ANAK SEKELIAN AKAN MENCAPAI APA JUGA YANG DICITA-CITAKAN.

9. JUSTERU ITU, BELAJARLAH DENGAN BERSUNGGUH-SUNGGUH.

10. SEKIRANYA ANDA PERNAH GAGAL SEKALI, IA TIDAK BERMAKNA ANDA AKAN TERUS GAGAL DALAM HIDUP ANDA.

11. KUATKAN SEMANGAT. INSYAALLAH, ANDA SEMUA AKAN BERJAYA DALAM KEHIDUPAN.

SAUDARA SAUDARI SEKELIAN,

12. ANAK-ANAK MUDA ADALAH ASET PALING PENTING KEPADA NEGARA.

13. MEREKA ADALAH GENERASI YANG AKAN MENERAJUI KEPIMPINAN NEGARA PADA MASA DEPAN. SEBAGAI ORANG DEWASA, SAMA ADA IBUBAPA, GURU ATAU MASYARAKAT AMNYA, TUGAS KITA ADALAH UNTUK MEMBERI ASUHAN DAN DIDIKAN YANG TERBAIK KEPADA ANAK-ANAK KITA AGAR MEREKA MENJADI GENERASI YANG CEMERLANG, GEMILANG DAN TERBILANG.

14. MELENTUR AUR, BIARLAH DARI REBUNGNYA. INILAH PEPATAH MELAYU LAMA YANG BOLEH DIJADIKAN PANDUAN DAN INGATAN KEPADA KITA YANG BERGELAR IBUBAPA.

15. ANAK-ANAK SEKELIAN, TUGAS ANDA HANYALAH UNTUK BELAJAR DAN BERJAYA DALAM PELAJARAN.

16. JUSTERU, ANDA HENDAKLAH MEMPUNYAI SEMANGAT YANG KENTAL DAN USAHA YANG GIGIH UNTUK BERJAYA.

17. TAHUN INI, NEGARA KITA AKAN MENYAMBUT 50 TAHUN KEMERDEKAAN.

18. APA YANG KITA PEROLEHI HARI INI ADALAH HASIL DARIPADA KESUNGGUHAN DAN KECEKALAN MEREKA YANG TERDAHULU.

19. ANAK-ANAK SEKELIAN, SEBAGAI GENERASI MUDA, ANDA PERLU BERSYUKUR DAN MEMAHAMI ERTI KEMERDEKAAN.

20. ISIKAN PENGERTIAN ITU DENGAN MEMAJUKAN DIRI SENDIRI DAN SETERUSNYA NEGARA.

21. PADA MASA YANG SAMA, MARILAH KITA BERGANDING BAHU BERSAMA-SAMA, TIDAK KIRA YANG MUDA ATAU TUA, MEMINTA RESTU DARIPADA ILAHI SUPAYA MASA DEPAN NEGARA KITA AKAN TERUS BERADA DI LANDASAN KEJAYAAN.

SAUDARA SAUDARI SEKELIAN,

22. SAYA INGIN MERAKAMKAN UCAPAN SYABAS KEPADA KEMENTERIAN PELAJARAN DAN BAKTI DI ATAS KERJASAMA YANG TELAH TERJALIN DALAM MELAKSANAKAN PROGRAM SEBEGINI.

23. ADALAH DIHARAPKAN AGAR KERJASAMA YANG BAIK INI DAPAT DITERUSKAN DAN DIPERTINGKATKAN LAGI DI MASA DEPAN.

24. SEBELUM SAYA MENGAKHIRI UCAPAN INI, SAYA INGIN MEMINTA ANAK-ANAK SEKELIAN MENDENGAR DAN CUBA MEMAHAMI KATA-KATA YANG INGIN SAYA UNGKAPKAN INI.

PAHIT GETIR HIDUP.. DAN PENGORBANAN TERPAKSA DIHADAPI, DEMI KEJAYAAN TERDIDIK SEJAK MULA, TABAH BERUSAHA TANPA CUBA MELANGKAH, TAK KEMANA DI MANA KAU BERADA PENCAPAIAN TAK TIBA DENGAN MUDAH.

KINI "STANDING IN THE EYES OF THE WORLD" HANYALAH SELANGKAH DARI NYATA

KEAZAMAN MEMBARA DI JIWA MENANTI SAAT BEBAS MERDEKA TIBA MASA KAU MELANGKAH GAGAH BERSEMANGAT KE ARAH MATLAMAT SEDAYA UPAYA ENKKAU TERUNGGUL WAJAR "STANDING IN THE EYES OF THE WORLD"

25. MUNGKIN ADA DI KALANGAN ANAK-ANAK SEKELIAN YANG PERNAH TERDENGAR PETIKAN YANG BARU SAYA BACAKAN TADI.

26. IA ADALAH PETIKAN DARIPADA LIRIK LAGU "STANDING IN THE EYES OF THE WORLD", YANG DIPOPULARKAN OLEH PENYANYI ELLA.

27. SAYA TAK PANDAI UNTUK MENYANYI LAGU PENYANYI-PENYANYI POP MASA KINI, TETAPI SAYA HARAP, ANAK-ANAK SEMUA DAPAT MENGHAYATI SENI KATANYA.

28. DENGAN UNGKAPAN ITU, DAN LAFAZ BISMILAHHIRAHMAN NIRRAHHIM, SAYA DENGAN SUKACITANYA MERASMIKAN PROGRAM KECEMERLANGAN BAKTI KALI KETIGA 2007 BAGI ZON SELANGOR DAN WILAYAH PERSEKUTUAN.

WABILLAH HITAUFIK WALHIDAYAH WASALAM MUALAIKUM WARAHMATULLAH
HIWABARAKATUH.

SEKIAN TERIMA KASIH.